



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Filiæ Imperatorum Occidentaliu[m] Romanorum, tam certæ, quàm incertæ professionis, & tam Sanctæ, qua[m] non Sanctæ. cap. XXII.

urn:nbn:de:hbz:466:1-38397

Filia Imperatorum Orientalium Romanorum, tam certe, quam incerte professionis, & tam Sancta, quam non Sancta. Cap. XXII.

Gisala, Caroli Magni Imperatoris filia.



GISALA, siue Ghifella, Caroli Magni Imperatoris, ex Hildegarde uxore tertia filia, nata, & Baptizata Mediolani anno Domini 780. Sanctimonialis quidem ab omnibus quos uiderim agnoscitur, sed in quo monasterio uitam egerit monasticam necdum reperire potui. *Basilicon Genealogicon*

in genealogia Carolina.

Theodora, Caroli Magni Imp. filia.

THEODORA, siue Tetrada, Caroli Magni Imperatoris, ex Faltrada uxore quinta, filia, monialis, & Abbatissa Argentolii prope oppidum S. Dionysii, ibidem tumulata est. *Belforestius annal. Franc. lib. 2. c. 15. Genealogicon Romanum, & alij.*

Hildegardis, Ludouici Pij Imp. filia.

HILDEGARDIS, Ludouici Pij Imperatoris, ex Blancastora uxore prima, filia, Sanctimonialis & Abbatissa Dominarum monasterii in sinistra Limagi sui, a patre donata omni Dominio Comesi ad lacum Tigurinum. Obiit anno 860. *Genealogicon Romanum.*

Bertha, Ludouici Pij Imp. filia.

BERTHA, eiusdem Hildegardis, ex iisdem Patre & Matre soror, non tantum carne sed & religione, sanctimonialis namque & ipsa eidem in Abbatia regimine successit, obiitque anno 881. regimini sui 21. *Genealogia Carolina.*

Hermentrudis, Caroli Calui Imp. filia.

HERMENTRUDIS, Caroli Calui Imperatoris, ex Hermentrude uxore prima filia, in cœnobio Hasnoniensi (non rectè a nonnullis Lasconiense, & Lasconense uocatum) super fluum Scarbum in Comitatu Attrebatensi, pago Hostrebanto, sita, a prima iuuentute Deo dicata, deinde sacris uirginibus Abbatissa prefecta, a patre, & sorore comitissa Flandria, multa priuilegia, & immunitates suo monasterio obtinuit. Floruit anno 880. *Jacobus Meyerus annal. Fland. lib. 2. & Panuinus Princip. Rom. lib. 3. & alij.*

Gisala, Lotharii I. Imp. filia.

GISALA, Lotharii I. Imperatoris, ex Angelpirga vxore prima, filia, matrem comitata, quam a viro repudiatam in Imperatricibus ostendimus, eiusdem cum illa voti & habitus particeps effecta est in monasterio S. Iuliae Brixiae, anno Domini circiter 820. diuque ei superiuens, in eodem cœnobio postmodum sepulta est. *Tabula S. Iuliae.*

Berta, Berengarii I. Imp. filia.

BERTA, Berengarii I. Italiae Imperatoris, & Bertae Augustae filia, ab ipsa sua infantia Deo dicata in monasterio S. Iuliae Brixiae, post mortem Angilbergae Augustae & Abbatissae, sexta illius loci Abbatissae omnium acclamatione electa, anno Domini 916. post officium sibi commissum recte administratum, in eodem suo monasterio defuncta, & sepulta est. *Tabula S. Iuliae.*

Mathildis, Henrici I. Imp. filia.

MATHILDIS, siue Mecthildis, Henrici Aucupis, Imperatoris, siue ut alij legunt, Cæsaris, ex S. Mathilda vxore sua, filia, uirgo sanctissimae conuersationis, & magni meriti, fundato in ciuitate Quedlinburgensi in Saxonia monasterio, eodemque in honorem SS. Seruati & Dionysij dedicato, ibidem prima Abbatissa praefuit, an. Domini circiter 930. & tandem multis miraculis clara, obdormiuit in Domino anno 942. catalogo Sanctorum adscripta. Huic Vuitichindus monachus Corbeiae Saxonicæ, Historiam suam de gestis Saxorum dedicauit. *Tritemius de vir. ill. ord. S. Ben. lib. 3. c. 222. Panuinus, lib. 3. Rom. Princip. Genealogicon Romanum anno 1589. Francofurti expressum in folio. Crantzius Saxonie, lib. 3. c. 12. Ponitur hæc eadem bis a Bugiano nostro colloquio tertio, ambæque, quæ tamen una & eadē sunt, ex eodem Patre, Henrico scilicet, nata referuntur, quarum prima anno 930. secunda vero anno 1004. floruisse perhibentur: quæ quam absurda, & ab omni veritate sint aliena, vnusquisque ex se sine aliqua alia demonstratione intelligere sufficit. Errat & in secunda, in nomine monasterij, non enim Monasterium Quedlinburgense in honorem S. Petri consecratum est, sed in honorem S. Seruati, vt egregie produnt Tritemius, & Crantzius locis supracitatis. Bugianum sefellit quod Henricus Auiceps sepultus dicatur, in ecclesia S. Petri, quæ erat ecclesia Quedlinburgensis cathedralis, disti. et ab ecclesia S. Seruati a Sanctimonialibus inhabitata.*

Mathildis II. Henrici I. Imp. filia.

MATHILDIS altera, Henrici Aucupis, & S. Mathildæ Imp. filia, praefata S. Mathildis foror, quæ ab omnibus familiarum, vel genealogia-

logiarum scriptoribus non agnoscitur, sororem imitata in Religio-
nis proposito, prima Abbatissa præfecta est sacris virginibus mono-
sterii de Ringelheim, ab Auo materno Theodorico Duce Saxoniae,
anno salutis circiter 924 fundati. *Ioannes Tritemius in chron. His-
saurie, in Rudolpho, Abbate quinto.*

Mathildis, Ottonis I. Imp. filia.

MATHILDIS, Ottonis I. Magni Imperatoris, ex S. Adelheidâ
uxore secunda (alii ex Editha uxore prima, sed non rectè) filia, sub
cura Amitæ suæ Sanctæ Mathildis Abbatissæ, in monasterio Que-
dlinburgensi, in omni pietate, religione, ac obseruantia monastica edu-
cata, eidem anno 942. defunctæ, secunda illius cœnobii Abbatissâ
successit; & monasterio per spaciū 59. annorum optime admi-
strato, ætate grandæua obiit anno Christi 997. die 6. mensis Februa-
rii, apud Auum Paternum Quedlinburgi sepulta. *Philibertus Pingo-
nius in Arbore Saxoniae, Genealogicon Romanum, & alij.*

Mathildis, Ottonis II. Imp. filia.

MATHILDIS, Ottonis II. Imperatoris, ex Thephano uxore prima
filia, multis annis cum Amita sua Mathilda præfata in cœnobio
Quedlinburgensi religiosissime conuersata; anno 997. in eius lo-
cum per Bezelinum porritorem, fratris sui Ottonis II. Imp. iustitia,
et illius loci Abbatissâ electa, ab Arnulpho Episcopo munus conse-
crationis accepit, & duobus annis solis Abbatissæ officio functa, im-
grauit a seculo, anno 999. *Genealogia Regum Saxoniae, & Ducum.*

Sophia, Ottonis II. Imp. filia.

SOPHIA, Ottonis II. Imp. ex Theophano filia, & ipsa a iuente
te Deo in Religione consecrata, postmodum in Abbatissam nouam
monasterii sui, SS. Anastasij, & Innocenti Pontificum, in ciuitate
Gandersheimensi electa est; & bonis operibus plena, obiit an 1038.
die 30. Ianuarii. Fuit multum dilecta & familiaris S. Gothardo Hildes-
hemensi Episcopo, ut in eius uita narratur, capite 17. dicitur
mortua anno altero ab eius morte, die tertio ante festum Purifica-
tionis Divergæ Virginis. *Genealogia Regum Saxoniae, supra citata,
dicit defunctam anno 1038. putat enim cum Lamberto Schafnaburgensi,
S. Gothardum eo anno obiisse, nos autem tenemus migrasse anno 1038.
vri diximus c. 44. libri nostri 2. & lib. 3. die 4. Maij, ideoque Sophiam
no 1039. defunctam putamus. Agit & de eius monachatu, Philibertus
Pingonius, Genealogicon Romanum, & alij.*

Adelheidis, Ottonis II. Imp. filia.

Adelheidis, Ottonis II. Imperatoris, ex Theophano (alii, ut Ge-
nealo-

nealogia Reg. Saxon. ex Anna Austriaca, uxore 2. (sed minus rectè) uxore prima filia, cum esset Sanctimonialis Quedlinburgi, talemq; se gereret ut digna reputaretur ad ampliores gradum promoueri, post mortem sororis suæ Mathildis, quarta Quedlinburgensis Abbatisa constituta est an. Christi 999. & eodè, ab Episcopo Hildemensi Dithmaro benedici & consecrari uoluit. *Panuius Roma. Princ. lib. 3. Pingonius in Arbore Sabaudica; Genealogicon Romanum; & Genealogia Regum & Ducum Saxonie*, in qua male scribitur fuisse Abbatisa Gandersheimensis decima. Meminit & eius Bugianus colloquio tertio, a quo corrupto uocabulo Atalbaida uocatur, in quo emendatus uenit, ut & in nomine monasterii Quedlinburgensis, quod non uelle ab eo in Auftrasia, qua nunc Lotharingia, collocatur, cum in Saxonia non longe a ciuitate Magdeburgensi constructum constet.

S. Felicitas, Ottonis II. Imp. filia.

S FELICITAS, eiusdem Ottonis II. Imperatoris filia, sed ex qua matre ignoro, cum audisset de fama & Sanctitate sacrarum Virginitatum monasterium S. Saluatoris, (quod nunc S. Felicis titulum gerit, habitaturq; a Sanctimonialib. Ordinis D. P. Benedicti) qd Pape a S. Maiolo Abbate ædificatū fuit; & ab Ottone II. patre suo locupletatū, inhabitantium, simulans prædictum cœnobium deuotio nis causa se inuifere uelle, statim ut illuc applicuit, uotum quod mente conceperat, opere compleuit; & contra parentum uoluntatem Deo sacrata, sacrisque religionis uestibus induta, a religionis proposito, nec minis, nec blandimentis, auelli unquam potuit. Vnde factum est ut in Dei seruitio ibidem perseverans, & noctu diuque, uigiliis, & orationibus uacans, in omnibus uirtutibus, in humilitate maximè, compunctiōneque lachrymarum, in tantum profecerit, ut post mortem quæ accidisse putatur post annum Domini 1000. Sanctorum fuerit ascripta catalogo. Eius sacrum corpus maxima ueneratione honoratur in præfato S. Felicis cœnobio, ubi requiescit iuxta arcem S. Georgii martyris. *Jacobus Gualla in Sanctuario Papiæ, lib. 5. cap. 15. & Stephanus Breuentanus de antiquitate Papiæ, lib. 4. cap. 1.*

Iuditha, Ottonis II. Imp. filia.

IUDITHA, Ottonis II. Imperatoris, ex Anna Austriaca uxore secunda, filia, forma, & cæteris naturæ bonis dotibus egregiè dotata, ab ipsius pueritiæ annis Ratisbonæ in sacrarum uirginum cœnobio Deo consecrata, inde postmodum anno Domini circiter 1002. parentibus iam defunctis, uolens, an in uita, a Bisetislao Boiemia Du. ce au-

ce, audacissimo iuvene, pertracta, eidem legitimo matrimonio coniungitur, Helichardo Pontifice diuina celebrante. Post cuius obitum, secundas Meficonis Ducis Poloniae nuptias ambiuit. Obiit anno Domini Saluatoris 1059. *Ioannes Dubravius in hist. Boemica, lib. 7. Genealogicon Romanum, & alij.*

Ghifela, Henrici III. vel II. Imp. filia.

GHISELA, Henrici III. alij II. Imperatoris, ex S. Agnete uxore secunda, filia, quæ ut plurimum a genealogistis, una cum sorore sequente omittitur, in monasterio Quedlinburgensi virginitate sua Deo consecrata, nobile propositum, nobilium ad finem usque perduxit.

Adelbais, Henrici III. sine II. Imp. filia.

ADELHAI S, eiusdem Henrici III. alij II. Imperatoris, ex eadem S. Agnete, filia, Ghifelæ soror, ut & uoti eius in eodem Quedlinburgensi cœnobio particeps fuit ita, fuit & coronæ. In hoc tamen sororem supergressa etiã quædam Abbatisa, & fam. fuerit. Floruerunt ambæ anno Dom. 1050. *De his duabus, earumque monachismo, agit Trithemius in chronico Hirsaugia in tractatu vacantis sedis anno 33.*

Sophia, Henrici III. vel II. Imp. filia.

SOPHIA, eorundem filia, & præfatarum Sanctimonialium soror, primum Salomoni Hungariæ Regi nupta, eo mortuo una cum matre ipsius Regis in Agmodensi monasterio, quod est in Strya, anno 1077. se includens, ibidem in omni religiofitate annis undecim uixit: sed postmodum à Vladislao Poloniæ Rege postulatâ nuptias secundas cum eo celebravit anno 1088. permansitque cum eo annis plus minus tredecim, usque ad annum 1101. eo enim anno, uiro suo iam defuncto, ad monasterium suum reuersa, in eodem conualescens obiit, ac sepulta est. *Antonius Bonfinius rer. Hungarie. decad. 2. lib. 4. non procul a fine.*

Beatrix, Friderici I. Imp. filia.

BHATRIX, Friderici I. Barbarossæ Imperatoris, ex Beatrice Augusta uxore secunda, filia, a parentibus in monasterio Quedlinburgensi Deo oblata, in Abbatisam postmodum electa est, anno Domini circiter 1170. *Panuinus Rom. Princip. lib. 5. Genealogicon Romanum, & alij.*

Euphemia, Rodulphi I. Imp. filia.

EUPHEMIA, Rodulphi I. Austriaci, Imperatoris, ex Anna Augusta uxore prima, filia, sanctimonialis in monasterio Tulna, quod non longe est a ciuitate Viennæ in Austria, effecta, ibidem laboris

huius premium perceptura, migravit, ac sepulta est, anno Domini
1278 Panvinus Rom. Princip. lib. 3. Genealogicon Rom. & alij.

Agnes, Ludouici V. Imp. filia.

AGNES, Ludouici V. Bauarij, Imperatoris, ex Margareta Augusta
Hollandica, uxore secunda, filia, quæ ab omnibus fere familiae Baua-
nicæ scriptorib. prætermittitur, a patre in monasterio Fursfeldensi,
quod auius eius Ludouicus Dux Bauariæ ædificauerat, Deo oblata,
& Sanctimonialis habitus induta, anno Domini circiter 1329. in eo-
dem obiit & sepulta est. *Franciscus Belforestius in cosmographia, in de-
scriptione Bauariæ.*

*Filia Imperatorum Orientalium Constantinopolitanorum,
tam certæ, quàm incertæ professionis.*

Cap. XXXIII.

S. Sopatra, Mauricij Imperatoris filia.

SOPATRA, Mauricij Imperatoris Constan-
tinopolitani, & Constantiæ Augustæ, Tiberij
Imperatoris filia, filia, exemplis S. Eustoliæ
Romanæ, uirginis & Sanctimonialis informa-
ta, concedente patre uitam Monasticam pro-
fessa, in monasterio quodam Constantinopoli
se constructo, ibidem miraculis clara diem obiit quinto Idus No-
uembriis, & in numerum Sanctorum relata est. Vixit anno Domini
600. & quod excurrit.

Gordia, cum duabus sororibus, Mauricij Imp. filia.

GORDIA, Vxor Philippici: & N. Theodosij coniunx: ac alia N.
anonyma, Mauricij Imperatoris, ex Constantina uxore filia, patre a
Phoca Casare occiso anno 604, una cum Matre Constantina Mo-
nasticen Constantinopoli professæ eodem Phoca permittente, an-
no sequenti eodem iubente, simul cum matre sua, gladio neca-
te sunt.

Tecla, cum sororibus, Theophili Imp. filia.

TECLA, Anastasia: Anna: & Pulcheria, Sorores, & Theophili
Imperatoris Constantinopolitani, ex Theodora Augusta Paphlago-
na, filia, infidiis fratris sui Michaelis III. Imp. una cum matre in cor-
nobio S. Mariæ in Blachernis deponsa anno 854. post matris mor-
tem

G G g tem